

孝義傳

河內縣志卷第二十七

漢

郭巨河內人甚富父沒分財二千萬爲兩分與兩弟已獨取
僦養寄住鄰有凶宅無人居者共推與之居無禍患妻產男
慮養之則妨供養乃令其妻抱兒欲掘地埋之於土中得金
一釜上有鐵券云賜孝子郭巨已還宅主宅主不敢受遂以

聞宮官依券題還巨遂得兼養兒

劉向孝子圖見太平御覽按巨爲林慮人漢屬河內

看故孝子圖云河內人今河內縣于漢爲
野王則巨實非縣人也相沿已久姑仍之

丁蘭者河內人也少喪考妣不及供養乃刻木爲人髣髴親
容事之若生朝夕定省後鄰人張叔妻從蘭妻借看蘭妻跪
木人木人不悅不以借之叔醉疾來酣罵木人以杖敲其

頭蘭還見木人色不懌以問其妻具以告之卽奮劍殺張叔吏捕蘭蘭辭木人去木人見蘭爲垂淚郡縣嘉其至孝通於神明圖其形像於雲臺也

孫盛逸人傳

又干寶搜神記曰

丁蘭河內野王人年十五喪母乃

刻木作母事之供養如生鄰人有所借木母頗和則與不和與後隣人忿難盜斫木母應刀血出蘭乃殯殮報讐漢宣

帝嘉之拜中大夫

俱見太平御覽

唐

王友貞懷州河內人也父知敬則天時麟臺少監以工書知名友貞弱冠時母病篤醫言唯啖人肉乃差友貞獨念無可求治乃割股肉以飴親母病尋差則天聞之令就其家驗問特加旌表友貞素好學讀九經皆百遍誦誨子弟如嚴君焉口不言人過尤好釋典屏絕羶味出言未曾負諾時論以爲

真君子也。長安年歷任長水令，後罷歸田里。中宗在春官，召爲司議郎，不就。神龍初，又拜太子中舍，仍令所司以禮徵赴。及至，固以疾辭。詔曰：「敦夷齊之行，可以激貪；尚顏閔之道，用能勸俗。新除太子中舍人王友貞、德義、泉、藪、人、倫、茂、異、孝、始、於事親，信表於行，已富有文史，廉於財貨。久歷官政，累闡課績，有古人之風。保君子之德，乃抗志塵外，棲情物表，深歸解脫之門，誓守薰修之誠。頃加徵命，作護儲闈，固在辭榮累陳情懇，堅持淨義，不登於車服。惟悅於禪綱，味靡求於珍饌。朕方崇獎廉退，懲抑澆浮。雖思廊廟之賢，豈違山林之願。宜加優秩，乃遂雅懷。可太子中舍人員外置，給全祿以畢其身任。其在家修道，仍令所在州縣存問。四時送祿至其住所。元宗

在東宮又表請禮徵之以年老竟辭疾不赴年九十餘開元四年卒時下制曰貴德尊賢飾終念遠此聖人所以治天下厚風俗也王友貞稟氣元精遊心大朴孝惟不匱獨貫於神明道則難名高謝於人代言念錫類方期鎮俗遽爾凋殂良深愍悼生無大位雖隔外臣之儀歿有餘榮宜贈上卿之服可贈銀青光祿大夫仍委本縣令長特加弔祭

舊唐書隱逸傳案竇泉

述書賦曰王知微太原人而新舊唐書皆以友貞爲河內人富從史爲正

宋

陳芳河內人仕至大理寺丞一門十四世同居三百年孝義

爲時所重詔旌其門

河南通志

按此事見宋史孝友傳以爲河陽人而省志列入河內懷孟接壤

或別有據故存之

元

馬英性孝友父喪哀毀二兄繼歿英事母及二寡嫂惟謹嫂以是得全餐節母死親負土爲四墳廬墓側終其身

舊志

楊一懷慶人至元間與叔清分居其後清漸貧一密詣祖祠

焚析券復迎叔同居三十年無間言有司以聞詔旌其家

元史

孝友傳

侯榮丁用郭天一俱懷慶人居喪廬墓詔旌其門

同上

明

王履鄉賢所用七代祖廬墓冬月生芝詔給冠帶旌之

楊千得永樂四年祖母病篤千得割股啖之祖母病立愈後

祖父病又割左臂肉以進病亦愈閭里稱其篤孝

可內縣志

孝義傳

高三永樂間父母相繼卒躬運土築墳廬墓側者三載

張孝字有誠喪父葬太行山六十里外廬於墓側日煮米半盂強自存活者四年鄉黨焚其廬以促之歸孝復穴居數月因母病始歸猶不食酒肉後充正德乙卯歲貢母卒一哭而絕何文定公時方鄉居告郡守爲購塋地遷其父柩同母子二喪葬焉

黃應選邑庠生廬母墓三年時冬杪滿墳黃花生香有白狼馴墓何文定題詩美之家甚貧不受有司賑會拾魏佑銀十兩還之直指旌其門

甯銳府庠生母疾割肱肉食之病尋愈

府志作任銳

張倫府庠生父卒廬墓側鹽酪不入口者三年既除喪猶不

飲酒食肉踰三十年。其門仍令餽金粟以助其養。
鄭恭王事母。間太妃性至孝。王以建言謫置祖陵十八載。及
還國。太妃毳毼通桑榆矣。繞膝嬉戲如兒時。每獻食輒戴首
以進。博太妃一笑。比太妃疾。王已年逾老。傳手烹藥。餌淚涔
涔不絕。彌留之日。王握太妃手。長跽哽咽廢眠。食者三日夜。
及薨。服食一遵古制。後每遇四節及忌辰。哭奠不能起。猶如
初伏苦塊時。

倫天叙以恩貢生任瀏陽丞。性至孝。母卒。廬墓側。手舂鍾取
土加糲食。必祭哭必盡哀。鄉人欲白之官。叙曰。吾何忍以親
謚名與。力止之。

孫山廬母墓。踰三載。里人促歸。欲焚其廬。天忽晝晦。大雨如

注人益異之

焦麒少孤念母苦節終身母卒廬墓側值有子之喪亦不忍歸有司旌其門

徐伯宜邑庠生少喪父自痛不逮養力學事孀母母卒廬墓三年

孫士堯侍母病嘗三月不解帶遇持囊竊塾中果實爲弗見也者而過之歲大稔有負者將鬻子以償聞之燬其券後還陸氏遺金陸氏聞於邑令令旌其閭曰種德昌後後我亢裕成進士曾孫聚貴舉人

丁時皞邑庠生幼事孀母甚謹而自奉粗糲有良田三十畝盡推以予弟子文煥舉於鄉

盧進木性至孝父病割股以療病尋愈詔建坊旌之

皇甫獻邑庠生父沒廬墓三年邑令旌其門

沈時榮母疾割股和羹以進母病愈直指旌其門

鄒世德府庠生事母盧氏以孝稱母疾割股以療母忽愈子
珪成進士

楊應卿禮部儒士父卒廬墓五年兵馬倥傯不避母沒又廬
墓三年守令旌其門

張文獻趙寨村人父宗亮生六子文獻爲長家素富析產時
文獻擇田土之瘠瘠者丁牧之贏乏者取之正統六年河內
歲饑民多流莩有司賑恤倉廩弗繼文獻聞之具狀請輸穀
豆一千二百石以助官賑賴以存活者甚衆邑令上聞英宗

嘉之六年賜之勅書曰國家施仁養民爲首爾能出穀豆等糧一千二百石用助賑濟有司以聞朕用嘉之今特賜勅獎諭勞以羊酒旌爲義民仍免本戶糧差一半尙允蹈忠厚表勵鄉俗用副朝廷褒嘉之意又勅縣爲建坊以表其閭

文獻弟文德邑庠生慷慨好義與兄同志處鄉里有厚德急病讓夷以身先之嘗遇歲旱輒出已所藏貲財以貸于人後有壽子母以償之者文德笑却之曰某豈敢乘凶荒之時以牟利哉悉取前券焚之蓋尤不欲居賑濟之名而所施者已溥矣旣卒鄉人感慕相與刻像祀之尸祝百餘年其像至今猶存

江舟親歿廬墓三年

張澤中年妻卒終身不再娶直指旌其門曰義夫

蕭永命萬歷壬午舉人慷慨有志節童時從父宦遊京邸延師問字後師卒遣力輿師櫬俾正首邱友人有負貸者疾且革永命攜券往焚之友撫枕謝猶涕泗經橫不能止永命曰君幼女未字是宜使君不瞑目吾有子當爲結姻友益感慟及卒遂娶其女爲婦著有詩文集春遊紀勝草

楊嗣脩字景歐萬歷丁未進士授行人遷戶部主事出守衡州平藍山臨武盜猺獠熙然化之調汾州陞登州副使兵不敢譁甫遷神木參政登遂劄於兵尋晉秩按察使遷榆林道天子曰君數備兵兵有制斬級多其以右僉都御史撫寧夏會以事註誤歸優遊林泉年八十一卒郡人曰郡城圯非公

千金爲倡不克城賴香鎮人曰鎮城圯非公二千金爲倡不克城邑人曰邑之熟田代荒田輸租六千餘金又輓豆二千
里外秣遼陽馬非公力不克豁公子孫其未艾乎子挺生桂
林推官孫奇蘊舉人

張四極萬歷時貢生事繼母以無間言稱生恥徑行亦無橫
鄉爲泗州學博正已率物士風一變歸來琴書自適不履城
鄉人稱爲占君子曾孫庚舉人

張堯臣仕明藩典儀正少孤事母以孝稱歲大祲置綿襖煮
粥濟貧賴以存活者數十家郡守旌其門

高幸魁家徒四壁而財無苟取修武人柳來實遺金九兩幸
魁獲於塗坐俟兩日柳含淚倉皇至訊明還之

郁一鵬歲貢生開封訓導值苛荒死者塞塗一鵬傾俸買菽粟二百里外賑之上官多其義扁其門曰苦海航子春枝太平府同知

葉茂春字梅崖性至孝少孤失聰疾呼罔聞時時伺母顏色母稍不懌卽不食蹙眉額爲嬰兒啼母告之故能悉以意解一日母病垂斃投母懷中泣竟日夜母漸甦夢神謂若兒孝奏帝帝錫若兒孝廉三十載養至萬歷乙亥果舉於鄉及母死時正三紀先是邑令邸存性憫其貧屬犯科者免茂春關白以資菽水茂春不應後闖賊陷京師茂春閉樓以處終不踐土素好學書卷不去手古今書籍丹黃殆盡卒後以家貧散失竟不克行於世

國朝

婁起敬字敬一樞曾孫父母愛其季弟敬傾貲爲構樓臺亭
榭雄跨一鄉孝友皆此類父歿母多病遂廢制舉業究心於
醫以醫多交守令鄉大夫未嘗干以私郡人無貧富皆爲診
視或酌以金帛輒謝之所活人無筭生平無謾語無畸行人
稱爲長者以歲貢老於家

蕭永嗣字元美恩貢生祖瑀鄭府典寶疾革焚券二千金
邑人高其義永嗣性端毅自少至老對人必兩袂捧胸雖數
日不跛不箕不談人私不責人報不宿人過幼失父後母氣
性甚烈與後母弟同居處竟夜督課不倦或時以足促弟作
林下母不疑其過刻或

歿哀痛若狂久之而後平執喪李某偶墮溝溝數載不相過
從比病篤伏枕嗚咽以幼孤相屬崇禎庚辰歲大饑斗米千
錢乃減糶以活里人人日不過升許日多則徒爲負販者音
耳里人至今稱之

遂空高善事繼母性行端亮有巨室以千金付之高屬居積
歲歉登高蠲施殆盡乃鬻田產以償巨室無難色

楊進善有兄貧困善衣食之以藥餌濟貧人甚夥

邱時亨邑庠生逢歲歉焚石天才韓盡禮等負券以爲事
伯兄如事父子復舉人

牛騰奎世居紫陵鎮前此二百五十年紫陵無青衿之士騰
奎冠童子試士始鼓舞向學其別墅在長樂莊莊瀕沁糾衆

建拯民隄及長春隄各十餘里數萬家恃以無恐流寇掠太行下騰奎依水爲寨賊不敢犯所全活甚衆次子冲斗從邑令王公漢勦寇黨單騎入賊壘招撫楊四等千餘人王公手書褒美謂古名將不能過也

楊蕃生字素如順治壬辰進士授大同司理遷戶部郎中陞井陘道所至以廉靜稱及歸里值歲洊饑出粟三百石以貸貧者熟不取償曰曩時督通州倉秋毫無所取巡井陘却軍餉羨金萬餘緡乃眷此區區粟不能度外置耶子賜昌兵部主事

王濤字紫瀾邑庠生崇禎間檄關西卒戍燕取道清化鎮濤率衆閉城老弱恃以無恐督師至詢閉門者姓名董晉交下

且襁褓儒生服濤葬漠然不以爲意力學嗜古以明經終老
馬耀圖字義瑞慷慨有大志河內令王公漢厚遇之王公翦
寇太行數有功及王公晉巡撫耀圖輒躬詣賊壘說令歸附
李奎劉洪基等數萬人皆詣軍前請降王公卒耀圖遂不盡
其用云

楊廷幹初爲儀部郎之璋後之璋卒于難廷幹從千里扶櫬
歸比廷幹病子顯達媳蘇氏又皆以孝稱後因本宗無人擇
猶子顯承嗣之璋而已仍歸奉祖禰之璋產一介弗取也

申自立嘗還李振世路遺金李分金以報立不受里人義之
賈濂字景叔邑庠生羣從多以氣自豪多爲督撫從事而濂
獨以儒稱少遭父病願以身代及長知交徧一郡樂善好施